

四  
診  
脉  
鑑  
大  
全

四診脉鑑大全卷之六

雲間浩然子惠源王宏翰著

男 聖來王兆文

聖發王兆武

聖啓王兆成較

崑山醇菴魯一鄭 儒叅訂

內經左右寸關尺六部配合藏府之圖論

夫以左右寸關尺之六部候藏府之脉原於內經闡其  
與者周有扁鵲漢有仲景晉有叔和固蔑以加矣迨

高陽生撰僞訣而脉之理始晦賴元戴同父昌言闡之而得正其悖謬然自宋元以迄於茲脉書著述雖多紛然不能盡一若不折其衷而爲之定論則後學莫可適從余不揣譾陋逐一攷究內經彙羣賢之確論取瀕湖二十七脉條分縷晰詳辨而刊正發明而鑑釋庶可爲脉學之指南若神而明之則存乎其人爾今按內經左右六部配合藏府之圖開列於左

# 左手脉圖



# 右手脉圖



按手少陰經循手內側手太陽經循手外側手太陰  
經循手內側手陽明經循手外側故謂之表裏也至  
於脉訣配大小腸於兩寸診脉者謂心與小腸為表

裏肺與大腸爲表裏殊不知此乃經絡之表裏而誤作藏府之表裏諸家脉書亦未辨正誤世已久余立圖於右特表而出之庶後學毋致再誤也

脉要精微篇曰尺內兩旁則季脇也

尺內者尺澤之內左右尺部也季脇

小助也在脇下盡處兩旁乃近腎之處也故季脇之下皆尺部主之

尺外以候腎尺裏

以候腹

人身以背爲陽爲外以腹爲陰爲內也尺外尺內以浮沉取之腎附於背爲陽爲外故輕

按以候腎腹爲陰爲內凡謂腹者大小腸膀胱皆在焉故重按以候腹也○王啓玄馬玄臺吳鶴皋三人皆註尺外謂尺之外側尺內謂尺之內側也愚細詳人之脉總是一條若依三人診之則一條之脉形必扁圓可以兩邊側着或脉二條亦可側診若謂診者之指則前後矣然全篇文義乃舉脉體而言且診者

之左外則病者之右手矣張介賓類經註尺外謂尺之前半部尺內謂尺之後半部引易卦上三爻為外卦下三爻為內卦而李士材曰或謂浮取為外沉取為內然外以候心肺內以候胸中膈中是藏從外取府從內取則無是理不如從上下取之說為安士材之論雖似是則一部之脈作兩段看而六部之脈應作十二部矣但內經全部從無一言及此恐無憑據使人難診不若以輕按為外重按為內以候診也如仲景傷寒下證若尺脈重按無力則不可下推並一端則知重按乃按腹中病症之脈顯然明矣且內經明言背為陽腹為陰愚以內外俱作浮沉之診為是也

以候鬲

附尺上之而居中乃關脈也輕按以候肝重按以按膈中事也

右外以候胃

內以候脾

啓玄謂脾居中故以外候之內候上附上言上而

也

寸部

右外以候肺內以候胸中

肺位最高肺葉近背故輕按外以候之胸

中為陰故重左外以候心內以候臍中

心居膈上臍中者兩乳之間

包絡為氣海當心前以候前後以候後

此重言申明上

而前尺為後也寸為上竟上者胸喉中事也下竟下者少

腹腰股膝脛足中事也

竟者盡也上竟上言寸之上盡之脉至魚際也在體則應

於胸部與喉中之事也下竟下言尺之下盡之脉至

尺之動脈處也在體則應於少腹及下至足中之事

也推而外之內而不外有心腹積也推而內之外而

不內身有熱也

推者細行推詳而察脉也內外以表裏言也以見證之各異也舉指於皮

膚之間推而外之宜乎脉之浮也但沉而不浮是內

而不外是必心腹中有積在內故內而不外者如此

按指於筋骨之間宜乎脉之沉也但浮而不沉則外

而不內是必邪在表故身熱是以外而不內者如此

○啓玄註謂脉附臂筋取之不審推筋令遠使脉外  
行內而不出外者心腹中有積也脉遠臂筋推之令  
近遠而不近者是陰氣有餘故身有熱也鶴臯註謂  
脉來不直斜向於內則用指推之使外若更內而不  
外是心腹積也或脉來不直斜向於外則用指推之  
使內若更外而不內是謂身熱故脉偏於外也按二  
家之註各異夫啓玄以謂脉附在臂筋恐筋掩壓以  
指推開臂筋令遠令近而使脉行脉或止內而不出  
外或止外而不入內者鶴臯又謂脉來或止內而斜  
向於內斜向於外用指推之使內使外或更外不內  
或更內不外者二論皆非切當若脉之部位自離母  
腹後卽有此脉或係反關或係斜行或係正行定形  
之後乃一定之部位也豈可用指推筋相讓脉行用  
指推使脉之直向斜向之說此言一出反使後人生  
疑無所適從有岐途之推而上之而不下腰足清也  
之數余特表而明之

推而下之下而不上頭項痛也

啓玄註謂推筋按  
尋之而上升上漏



盛是陽氣有餘故腰足清也推之尋之而下脈  
沉下單是陰氣有餘故致頭項痛也玄臺註謂推而  
上之以指按其上部但脈止見於上部而下部則無  
則氣有升無降其腰足虛而清冷也推而下之以按  
其下部但脈止見於下部而上部無則氣有降而無  
升其頭項必不足而作痛也鶴臯註謂或用指推而  
使上若更上不下陽氣升而不降或用指推而使下  
若下而不上陽氣滯而不利也三人之論會而觀之  
而啓玄之言爲當而馬吳二說皆以上下謂有脈無  
脈之論不合經旨殊不知此節以上下言者以有力  
無力或大或小之謂並非有脈無脈之義也如推而  
上之上而不下謂上部有力或大而下部無力或小  
者是脈有升無降下元虛而腰足清冷也推而下之  
下而不上者謂脈下部有力或大而上部無力或小  
者是清氣不升則上按之至骨脈氣少者腰脊痛而  
部頭項虛而作痛也按之至骨脈氣少者腰脊痛而  
有痺也氣血充足則脈和而有神氣血有餘則脈洪  
而大氣血不足則脈衰少今按之至骨脈氣

衰少者是氣血不足。腰脊虛痛而身有痠痺不仁也。蓋榮氣虛則不仁。衛氣虛則不用。又有骨痺筋痺肉痺。脉痺皮痺之不同。其因血氣衰少則一也。

王叔和脉經曰：肝心出左，脾肺出右，腎與命門俱出尺部。魂魄穀神皆見寸口。宏翰按：銅人圖命門穴在脊骨之下七節間，即兩腎之中間也。乃立命之根，精神之舍也。其氣與腎通，故診命門脉皆從兩尺推詳也。

故脉經謂兩尺又曰神門也。

謂元神在腎為根本之脉故稱神門也。

按張路玉診宗三昧云：大小二腸之氣平居無病之時則二腸之氣未嘗不隨經而之寸口也。以病言之則二腸可傳化之任。病則氣化不順而為留滯。又必驗之於尺。路玉以無病有病而定藏府珠為大謬。但

藏府配寸關尺診脉驗病乃古聖軒岐立論確有一  
定之理豈可以有病將二腸之脉診於尺以平居無  
病者診於寸哉此論似是實非乃  
起後世之疑端予特辨而正之也

### 診脉藏府部位歌

心與臍中居左寸關候肝膽兩經證尺中腎藏真元氣  
膀胱小腸細推認右寸肺胸關脾胃大腸腎脉右尺  
定命門根穴腎中間診脉皆從兩尺尋

二十七脉

浮沉遲數滑澹虛實長短  
洪微緊緩芤弦革牢濡弱  
散細伏動促結代

浮陽

經論浮脉舉之有餘按之不足經脉如微風吹鳥背上毛

脈脈聶聶如循榆莢如水漂木素問如捻葱葉氏

發明浮脉法天有輕清在上之象按腎學原始四元

行推之而肺為氣行但氣行之質本輕故脉來  
浮也吹毛者輕浮也脈脈者和調不變亂也聶聶  
者連續不止代也榆莢輕浮和軟也漂木輕浮在

上也。捻慈，上有方而下軟，皆形容。

○浮脈之狀，診者當心領而神會也。

乃輕虛以浮，來急去散也。若太過，則脈來中堅旁

虛，如循雞羽，病在外也。不及，則氣來毛微，病在中

也。病在外，為氣逆，為背痛，慄慄然不舒也。病在中

為喘急，為呼吸少氣，為咳上氣。

見血喘而咯血，肺中有聲也。

**正誤** 洪脈訣云：再再尋之，如太過，此浮兼洪緊之象，非浮脈也。其謬如此。

**體象** 浮脈惟從肉上行，如循榆莢，似毛輕。三秋得令

知無恙，久病逢之却可驚。

**相類** 浮如木在水中浮，浮大中空，乃是芤。拍拍而浮

是洪脈。來時雖盛去悠悠。○浮脈輕平是捻慈，虛來

遲大豁然空浮而柔細方為濡散是楊花無定踪

浮而有力為洪 浮而遲大為虛 虛甚為散 浮而中空為芤 浮而柔細為濡

主病

浮脉為陽表病居遲風數熱緊寒拘浮而有力

多風熱無力而浮是血虛

分部

左寸風眩鼻塞壅虛遲氣少心煩忡關中腹脹

促胸滿怒氣傷肝尺溺紅○肺浮風痰體倦勞涕清

白汗嗽叨叨關脾虛滿何能食尺有風邪客下焦

浮脉主表 有力表實 無力表虛 浮數風熱 浮緊風寒 浮緩風濕 浮濡風痰

又主宿食 浮洪虛熱 浮散勞極 浮虛傷暑 浮芤失血 浮微虛則

鑑釋

浮脈主肌表經絡之病。浮而有力為風為表熱。為少食為表虛。○左寸浮傷風發熱頭痛目眩以及風痰。浮而虛遲心氣不足。心神不安。浮而散心氣耗而虛煩。浮而洪數心經熱。關浮腹脹。浮而數風熱入肝經。浮而促怒氣傷肝。心胸逆滿。尺浮膀胱風熱小便赤澀。浮而芤男子小便血。婦人血崩帶下。浮而遲冷痛。臍下痛。○右寸浮而有力肺感風寒咳嗽。清涕浮而無力自汗勞倦。浮而洪肺熱咳。浮而遲肺寒喘咳。關浮無力脾虛。中滿不食。浮大有力或瀉為宿食。浮而遲脾胃虛。尺浮而虛元氣不足。浮而數下焦風熱大便秘。

參治活法

凡始病而脈不浮病久而脈反浮者此中氣不足不能內守反見虛邪之候藥忌攻伐宜用溫補。有寸關俱浮尺遲弱者謂陽浮陰弱營氣不足血少之病也。

○如傷寒以尺寸俱浮為太陽經受病。但以指下有力為有餘之客邪。然太陽本經風寒之邪感之。有營衛之分。以浮緩為風邪。傷衛。浮緊為寒邪。傷營。用藥有麻黃湯桂枝湯之別。陽明府熱攻膈。脈雖浮大。心下反鞕者。急下之。謂從證不從脈也。其在三陰證。無浮脈。惟陰盡復陽。厥愈足溫而脈浮者。皆為愈證。故太陰例有手足溫。身體重而脈浮者。少陽例有陽微陰浮者。厥陰例有脈浮為欲愈。不浮為未愈者。要知陽病浮遲兼見裏證。合從陰治。陰病脈浮。證顯陽回。合從陽治。而詳證辨脈。緩急難忽也。

沉陰

經論沉脈重手按之筋骨乃得。經脈如綿裹砂。內剛外柔。

楊氏如石投水必極其底。

發明沉脈法。地有淵泉在下之象。水行之性次重。故附地而在地。聚砂投石。皆形容脈沉下之狀。

引參承監

卷之六 說



○沉脈主裏而司令在冬是腎水之脈也又曰石亦謂營者言其脈氣之來沉以搏來去清白平脈也太遲則如彈石按之益堅病在外也不及則氣來虛微去如數者病在中也病在外為解休為春脈病少氣不欲言也病在中為心懸如病飢眇中清脊中痛少腹滿小便變也

正誤

脈訣謂緩度三關狀如綿綿者非也此弱脈也但沉有緩數及各部之診豈止在關部乎而脈訣乃高陽生所編假王叔和之名其中舛錯甚多元末黃同父刊脈訣之誤行世已久今之庸醫仍傳誦為家秘其錯誤不殺人者幾希矣

體象

水行潤下脈來沉筋骨之間更滑勻女子寸兮

男子尺四時如此號為平

相類

沉而筋骨自調勻伏則推筋着骨尋沉細如綿

眞弱脉弦長實大是牢形

沉行筋間 伏行骨上 牢大力 弱細無力

主病

沉潛水畜陰經病數熱遲寒滑有痰無力而沉

虛與氣沉而有力積併寒

分部

左寸沉寒痰飲心關沉痿痺伏寒疼尺寒腎感

腰陰痛血結

女

精寒便濁頻

男

○右寸虛喘緊滑嗽

細兼寒熱骨蒸皮關寒中滿吞酸飲尺水腰疼冷腹

臍

沉脉主裏 又主水病

有力裏實 沉遲病冷

無力裏虛 沉數內熱

沉則爲氣 沉滑痰食

鑑釋

沉清氣鬱。沉弱寒熱。沉緩寒濕。沉緊冷痛。  
沉牢冷積。沉伏霍亂。沉細少氣。沉弦癰痛。  
沉雖屬裏為陰。有力無力大小之別。如陽氣衰弱。  
不能統運營氣於表。則陰寒脈沉而遲。按久衰小無。  
力者為虛。為寒。為厥逆。為洞泄。為少氣。為痛冷。如。  
陽氣鬱伏。寒邪在外。不能升衛氣於外。故脈沉。按之。  
有力不衰者。為實。為氣。為水。為停飲。為癰癤。為脇脹。  
為癰疽。也。心左寸沉。心內寒邪。為痛。胸中寒飲。脇疼。  
關沉。伏寒肝經。兩脇刺痛。沉弦癰內痛。尺沉腎。  
藏感寒。腰背冷痛。小便濁而頻。男為精冷。女為血結。  
沉而細。頸痠陰痒。溺有餘瀝。右寸沉。肺冷寒痰停。  
蓄虛喘。少氣沉而緊滑。咳嗽。沉細而滑。管蒸寒熱。皮。  
毛焦乾。關沉。胃中寒積。中滿吞酸。沉緊懸飲。尺。  
沉。病水腰脚疼。沉細下。  
利。又小便滑。膝下冷痛。

參治活法

夫傷寒以尺寸俱沉爲少陰經證。若始病不發熱，不  
頭疼，而手足厥冷，脈沉者，此直中陰經寒證也。若先  
曾發熱，頭疼煩擾，至五七日而變手足厥冷，煩躁不  
寐，而脈沉者，此厥陰證也。然亦深陽邪陷陰之熱證也。  
有始本陽邪，因汗下太過，而脈變沉遲者，此陽熱去  
而陰寒虛證也。有太陽證下早，胸脇痞硬，而關脈  
細沉緊者，此表邪內陷陽分結胸也。若能食自利，乃  
陽邪下陷，陰分凝結也。有少陰病自利清水，口乾  
腹脹不大便，而脈沉者，此熱邪陷於少陰也。有少  
陰病始得之，反發熱而脈沉者，麻黃附子細辛湯溫  
之。是少陰兼太陽，即兩感也。此與病發熱頭疼，脈反  
沉，身體痛，當溫之以四逆湯之法。似是而實不同也。  
凡傷寒溫熱時疫，感冒得汗後，脈沉者，此爲將愈  
之脈。非陽病見陰之脈也。假如內外有熱，而脈來沉  
伏，不發不洪，指下濡小，急疾無論傷寒雜病，發於何  
時，皆爲伏熱，不可以沉伏而誤認陰寒之病也。

遲陰

經論遲脉一息三至去來極慢脉

發明遲為陰盛陽衰故脉來不及陰盛則藏府氣虛而元陽衰故虛寒之諸症作焉當峻補其陽經

謂益火之原以消陰翳也

正誤脉訣言重手乃得是有沉無浮也遲來一息三至其為易見脉訣云隱隱又曰狀且難此清脉

也其謬如此

體象遲來一息至惟三陽不勝陰氣血寒但把浮沉

分表裏消陰須益火之原

相類脉來三至號為遲四至因而作緩持遲細而難

知是滿浮而遲大以虛推

三至為遲 二至為敗 一息一至陽氣將絕不可救也 有止為結 遲甚為散 浮大遲實為虛

正誤

脈學言遲而有力為細無力為清但細有遲數之別清有參伍不調之象豈可以遲之有力無力為細為清哉宜正之

主病

遲司藏病或多痰沉痼癥瘕仔細看有力而遲

為冷痛遲而無力定虛寒

分部

左寸遲寒慄少精神 關 肢冷筋拘肝脇疼左尺

腎虛兼便濁女人月信亦無音○右肺遲氣短涕清

痰冷積傷脾在右關少腹寒疼腰脚重洩便不禁尺

中寒

遲脉主藏

有力冷痛

無力虛寒

浮遲表寒

沉遲裏寒

鑑釋

遲為陰盛陽虧之候為寒為不足人迎主寒濕外

足氣寒則縮血寒則凝也○左寸遲心寒精神多憊

人閉遲筋寒急手足冷脇下痛尺遲腎虛便濁女

人不月○右寸遲肺寒不食沉遲為積尺遲為藏寒瀉泄小

腹冷痛

腰脚重

腰脚重

參治活法

遲擊為陽氣不敷營氣自和之象然亦有熱邪內結  
寒氣外侵而見氣口遲滑作脹者証可以遲脉聚為

之寒乎。○如傷寒陽明症。脉遲微惡寒而汗出多者。為表未解。脉遲頭眩肢腹滿者不可下。○有陽明病。脉遲有力。汗出不惡寒。身重喘滿。潮熱便硬。手足濇然。汗出者。為外欲解。可攻其裏。○又太陽病。脉浮因誤下而脉遲。胸膈痛而為結胸。以上皆脉遲。皆熱邪內結之驗也。

### 數陽

經論數脉一息六至。脉流薄疾。素問

發明數為陽盛陰衰。熱邪流薄於經絡。故脉來太過。

症作矣。常為其陽而補其陰。經謂吐衄之症。以禁陽光也。

正誤浮洪數脈之相類。素問脉經皆為正脉。脉訣立七表八裏。而遺數脈。主欲于心。蓋其妄甚矣。

體象數脉息間常六至。陰微陽極必狂煩浮沉表裏。



分虛實惟有兒童作吉看

相類

數比平人多一至緊來如數似彈繩數而時止

名爲促數見關中動脈形

六至爲數

七至爲極

滑氏謂疾熱極之脈也

八至爲脫

陽極陰衰當急瀉其陽而峻補其陰

一息九至

陽氣已絕不可救也數而弦急爲緊

流利爲滑

數而有止爲促

數獨見於關中爲

動脈

主病

數脈爲陽熱可知只將君相火來醫實宜涼瀉

虛溫補肺病秋深却畏之

分部

左寸數咽乾口舌瘡關中目赤淚汪汪耳鳴口

苦皆肝熱左尺陰虛溺赤黃○右寸吐紅咳嗽肺癰  
瘍關部吞酸胃火傷右尺數來大便澀腸風熱病見

紅殃

數脉主府有力實火無力虛火浮數表熱  
沉數裏熱細數陰虛氣口數實肺癰數虛

肝痿

鑑釋

數為陽盛陰弱之候為火為熱為風熱結痰○左

寸數心經熱為煩滿為頭疼上焦火旺關為肝

熱目赤尺數小便赤淋澀莖中痛○右寸數為肺

熱關為脾熱口臭胃煩嘔逆尺數大便澀有力

則為痔為漏為腸風便血寸數氣不足尺數血

不足按脉經云脉來五至為平而滑氏謂數一息

六至過平脉兩至者則四至為平脉矣此慢寧之一失也

參治活法

數為陰衰水弱火旺炎逆之象也。如瘦人脈數及久病脈數者皆陰虛火燥血少也。形充氣實之人脈數者乃痰濕鬱滯經絡而蘊熱也。若無故而脈數者必生癰疽。凡虛勞失血喘嗽上氣多有數脈。但以數大與弱為陽虛細小弱數為陰虛。非若傷寒血脈大為邪伏於經合用發散之比。然血症脈宜細小微數者為順。若脈數有熱及實大弦動急疾者為逆。

○如傷寒以煩躁脈數者為傳經。脈靜為不傳。以分有火無火也。如經盡欲解脈浮數按之不乳者其人亦虛不戰汗出而解也。則知數而按之乳者皆為虛也。

如陽明病脈數為熱。當消穀引食而反吐者以發汗令陽氣微。觸內虛脈乃數也。數為客熱不能消穀。胃中虛冷故吐。此必數而無力也。又胃反而寸微數者為胸中冷。又脈陽緊陰數為欲吐。陽浮陰數亦吐。胃反脈數中氣大虛而見假數之象也。人見脈

數誤認爲熱殊不知亦有胃虛及陰盛拒陽之故  
經曰脉至而從按之不鼓諸陽皆然若病然而脉數  
按之不鼓甚者乃陰盛拒陽於外而致病非熱也或  
形症似陰而脉按之鼓擊指下者乃陽盛拒陰而致  
病非寒也

○丹溪曰脉數盛大按之瀉而外有熱症名  
日中寒乃寒留血脉外症熱而脉亦數也

滑陽中陰

經論滑脉往來前卻流利展轉替替然如珠之應指脉

漉漉如欲脫時珍

發明滑爲陰氣有餘故脉來流利如水脉者血之府

也血盛則脉滑按腎脉宜之氣盛則脉瀉故肺

**正誤**

高陽生脉訣云三關如珠動按之即伏不

張露玉診宗三脉云滑者舉之浮緊按之滑石此  
乃實脉之象非滑也夫滑之一字乃脉流利如珠  
有浮滑沉滑之分豈可舉以  
舉緊按石之體哉今並正之

**體象**

滑脉如珠替替然往來流利卻還前莫將滑數

為同類數脉惟看至數間

滑則如珠數則六至

**主病**

滑脉為陽元氣衰痰生百病食生災上為吐逆

下畜血女脉調時定有胎

**分部**

寸滑膈痰生嘔吐吞酸舌強或咳嗽當關宿食

肝脾熱渴痢癰淋看尺部

滑主痰飲 浮滑風痰 沉滑食痰

滑數痰火 滑短痰食

**張**

脈經曰關滑胃熱尺滑血毒而脈訣云關滑胃

**鑑**

釋痰逆宿食經閉之症也○左寸滑心經熱痰滑而

實大心驚舌強關滑肝熱頭目為患尺滑小便

淋澀尿赤莖中痛○右寸滑痰飲嘔逆滑而實肺熱

毛髮焦膈壅咽乾痰暈目昏涕唾粘關滑脾熱口

臭及宿食不化吐逆滑實胃熱尺滑因相火炎上

而引飲多作冷腹鳴或時下利婦人主血實氣壅月

事不通若滑而和勻則為孕矣○人迎浮滑為風痰

緩滑為中風氣口滑數為宿食緩滑為熱中平

人支體豐盛六脈俱滑此濕痰漸積於中外終日勞

役不知倦怠若安

**參治活法**

**四診脈鑑**

**卷之六**

**五**

經云滑為陰氣有餘一語此指陰邪搏陽而言豈以陰氣有餘多汗身寒之病便可目為血多又以滑大之脈牽合無力豈可誤作內傷元氣乎此又不可不辨也

濇陰

經論濇脉細而遲往來難短且散或一至復來經脉衆伍

不調素問如輕刀刮竹脉訣如雨沾沙通真如病蠶食葉

李時珍

發明清為陽氣有餘氣盛則血少故脉蹇滯清濇而肺脉宜之

正誤脉訣言指下尋之似有舉之全無與脉經之旨悖謬舛錯絕下如此

體象 網遲短濇往來難散止依稀應指間如雨沾沙

容易散病蠶食葉慢而艱

相類

參伍不調名曰瀉輕刀刮竹短而難微似秒芒

微與甚浮沉不別有無間

細遲短散時一至日清極細而與重按若絕曰微浮而柔細曰濡沉而柔細曰弱

主病

瀉緣血少或傷精及胃亡陽汗兩淋寒濕入營

為血痺女人非孕即無經

瀉主血少精傷之病是以尺脈瀉則艱于子嗣女人有孕為胎病無孕為敗血杜光庭云瀉脈獨見尺中形同代為死脈

分部

寸瀉心虛痛對胸胃虛脇脹察關中尺為精血



俱傷候腸結洩淋或下紅

鑑釋

瀉為氣多血少之候故主少血亡血無汗傷精血

心痛

開瀉肝虛血敗肋脹脇滿身痛尺瀉男子

傷精及痢女子月事虛敗若有孕主胎漏不安○右

寸瀉營衛不和上焦冷痞氣短臂痛肺主氣氣為衛

血為營脾脈瀉乃氣多血少故曰不和也○開瀉脾

弱不食胃冷而嘔尺瀉大便清津液不足小腹寒

足脛逆冷若先富後貧脈亦必瀉尺部見瀉聚於

子嗣

參治活法

瀉雖傷血少情傷之候然亦有宿食外邪阻滯而見  
瀉者金匱云寸口脈浮大按之反瀉尺中亦微而瀉  
知有宿食有痰熱頭疼而見浮瀉數盛者陽中霧露  
之氣也霧傷皮膚濕流關節總皆脈瀉但兼浮數沉

細之下  
同耳

虛除

經論虛脉遲大而更按之無力隱指豁豁然空

經脉

發明

惟紫虛云形大  
力薄其虛可知

正誤

脉訣云尋之不足舉之有  
餘止言浮脉不見虛狀

楊仁齋云狀似柳絮散慢而遲滑氏曰散大而  
莫三家所言皆是散脉之形非虛也今並正之

體象相類

舉之遲大按之鬆脉狀無涯類谷空莫把

乳虛爲一例乳來浮大似慈葱

虛脉浮大而遲按之無力乳脉浮大按之中空  
乳爲脫血虛爲血虛乳散二脉見浮脉

主病 脉虛身熱為傷暑自汗怔忡驚悸多發熱陰虛

須早治養營益氣莫蹉跎

分部 血不營心寸口虛關中腹脹食難舒骨蒸痿痺

傷精血卻在神門兩部居

神門者尺部也。○經曰血虛脉虛曰氣來虛微為不及病在內日久病脉虛者死。

鑑釋 虛為氣血俱虛之候為暑 左寸為虛煩為多汗

為食少尺脉虛防泄瀉 氣口脉大而虛為內傷於氣若虛大而時見一瀉為內傷瘀血

參治活法

仲景云脉虛不可吐腹滿脉虛復厥者不可下脉陰陽俱虛熱不止者死惟癰疾而脉虛可治者以其神

出舍空可行峻補若脉實大為  
頑痰因結搜絳不應為難耳

實陽

經論實脉浮沉皆得脉大而長微弦應指愔愔然脉

發明

實為陽盛有餘故脉來浮沉皆得

正誤

脉訣言如繩應指來乃緊脉非實脉也

體象

浮沉皆得大而長應指無虛愔愔強熱蘊三焦

成壯通腸

相類

實脉浮沉有力強緊如彈索轉無常須知牢脉

幫筋骨實大微弦更帶長

浮沉有力為實。弦急彈人為緊。沉而實大微弦而長曰牢。

主病

實脉為陽火鬱成發狂譫語吐頻頻或為陽毒

或傷食大便不通或氣疼。

經曰血實脉實曰脉實者水殺為病曰氣來實強是謂太過。

正誤

脉經曰尺實小腹痛小便難脉訣言尺實小便不禁與脉經相反潔古不知其謬誤以為虛寒

藥用黃附其謬愈甚可不慎哉。

分部

左寸實咽疼口舌瘡。右寸氣填痰壅目紅眦。右

關脾宮中滿消中熱。左尺實腰腸痛。右尺便難。

鑑釋

實為三焦氣滿實熱之象主病皆邪熱蘊蓄有餘之症故為喘為痛為氣塞為脹為氣聚為食積

爲利等病也。○左寸實，心中積熱，口舌痛，咽疼，痛實。  
大，頭面熱，風煩躁，體倦，面赤。關實，腹脇痛，滿實而  
大，肝盛目暗，赤痛。○尺實，小腹痛，小便澀，實而滑，淋  
瀝，莖痛，溺赤，實大，膀胱熱，溺難，實而緊，腰痛。○右寸  
實，胸中熱，痰嗽煩滿，實而大，肺熱，喘滿，痛，喘氣壅  
關實，伏陽蒸內，脾虛食少，胃氣滯，定而大，脾熱消  
中，善飢，口乾勞倦。尺實，  
臍下痛，便難，或時下利。

### 參治活法

傷寒陽明病，不大便而脈實，宜下之。下後脈實大，或  
暴微欲絕，然不止者死。厥陰病，下利脈實者，下之死。  
若消痺鼓脹，堅積等病，皆以脈實爲可治。若泄而脫  
血，及新產驟虛，久病虛羸而得實大之脈者，爲難治。  
長陽

經論長脈不大不小，迢迢自若。朱如循長竿末稍爲平。

如引繩如循長竿為病素問

發明

長脈在時為春在人為肝平人脈長有病雖甚而尚可治也

宏翰治丹青高簡病癰疽發背諸醫治之兩月餘

仰臥死去五日因氣未絕請余決之診其兩尺脈

長余曰可治眾駭異之小思此疾因庸醫用附桂

太過助毒攻心十日前諸醫曾用犀角黃連湯而

大便泄瀉數次致死深思良久用生脈散加牛黃

四釐服之一時則身轉側臥兩服能言腹餓目開

後用補氣補脾兩月全愈

體象相類過於本位脈名長弦則非然但滿張弦脈

與長爭較遠良工測度自然量

皆兼長脈

**主病**

長脉迢迢大小勻反常為病似牽繩若非陽毒

癰癤病即是陽明熱勢深

內經曰心脉搏堅而

長病舌卷不能言

脉經云腎脉搏堅而長其色黃而赤當病

折腰此非以長為病以搏堅相合為病也

**鑑釋**

長為有餘之病長有三部之長一部之長戴同父

曰從尺至關連寸口直過如橫等之狀此三部之

長脉過本位謂或尺或關或寸過于

部之長若欲知浮沉遲數大中之外此各

之若不大不小不浮不沉不遲不數則氣治而無病

也經曰長則氣治此平脉也大槩常人病人脉長為

吉深則長壽脉也尺脉長帶

固根深心脉長神氣強壯

短陰



經論短脉不及本位脉訣應指而廻不能滿部

發明

蓋同父曰短脉只見尺寸若關中見短上不通寸下不通尺是陰陽絕脉必死矣故關不診短

黎居士云長短未有定體諸脉舉按之間過于本位者為長不及本位者為短長脉屬肝宜于春短

脉屬肺宜于秋但診肝肺長短自見

正誤

按李辰山脉訣彙辨謂短脉濇小之狀此是濇脉非短也短有滑短痰食豈可止以濇小為短

形高陽生偽訣謂中間有兩頭無則不言尺寸皆謬也宜並正之

體象相類

兩頭縮縮名為短濇短遲遲細且難短濇

而浮秋喜見三春為賊有邪干

清微動結皆兼短脉

**主病** 短脉惟干 尺寸尋短而滑數酒傷神浮為血溢

沉為痞寸主頭疼尺腹疼

**鑑釋**

經曰短則氣病短上不及之病脉經曰浮而短者營衛不行沉而短者藏府痞塞

**洪陽**

**經論** 洪脉指下極大脉來盛去衰來大去長

通真子

**發明**

洪脉為陽而司令在夏是心經之脉也素問謂之大亦曰鈞滑氏曰來盛去衰如鈞之曲上而復下應血脉來去之象

萬物敷佈下垂之狀

**正誤**

唐炎舉謂如環珠者非也脉訣云夏夏宜之秋李冬季發汗通腸俱非洪脉所宜是謬論也

**體象**

脉來洪盛去還衰滿指滔滔應夏時若在春秋

冬月分升陽散火莫狐疑

相類 洪脉來時拍拍然去衰來盛似波瀾欲知實脉

參差處舉按弦長幅幅堅

洪而有力為實  
實而無力為洪

主病 脉洪陽盛血應衰相火炎炎熱病居脹滿胃翻

須早治陰虛泄痢可愁如

洪主陽盛陰虛之病洩痢失血久咳者皆宜忌  
經曰形瘦脉大多氣者死曰脈大則病進

分部 左寸洪心火上焦炎右肺脉洪時金不堪左關肝

火右關胃虛關內察腎虛陰火尺中看

**鑑釋**

洪為榮火大熱血氣燔灼之候故主表裏俱熱為煩為咽乾為大小便不通○左寸洪心經積熱眼

赤口瘡頭瘡內煩關洪肝熱及身熱四肢浮熱

尺洪肺熱熱小便赤澀○右寸洪肺熱毛焦唾枯咽

乾洪而緊為喘急關洪胃熱嘔吐反胃咽乾

洪而緊為腹脹尺洪腹滿大便難或時下血

**察治活法**

若病後久虛虛勞失血泄瀉脫元等症皆氣血精神

衰弱脉亦應細小為是而反見洪盛之脉者則危矣

或平日六部之脉皆洪大實者謂之六陽脉乃稟氣

使然也亦有稟雖盛平日六部之脉皆微小者謂之

六陰脉二者皆稟氣使然非病脉也若平日六陽

六陰之脉而或變常者則為病脉也脉浮而洪身

汗如油不可救治洪為陽氣滿溢陰氣垂絕之脉故

謂之陽然如車

蓋者為陽結

微陰

經論

微脉極細而更按之如欲絕若有若無脉細而稍

長氏

發明

素問謂之小氣血微則脉微

體象相類

微脉輕平瞥瞥乎按之欲絕有如無微為

陽弱細陰弱細比於微略較粗

經診即見重按如欲絕者微也往來如沒而常有者也○仲景曰脉瞥瞥如羹上肥者陽氣微榮榮如絲者陰氣衰長病之至猝病得之生

氣血微冷脉亦微惡寒發熱汗淋漓男為勞極

主

諸虛候女作崩中帶下醫

微主久虛血弱之病陽微惡寒陰微發熱○  
脉訣云崩中日久為白帶漏下多時骨髓枯

**正誤**

按滑氏云浮而微陽不足身體惡寒沉而微陰不足發熱寒下利但沉微一句稍有疑焉微脉按

**分部**

右

肺微氣促

左

心驚惕肝為肢拘胃脹形尺部

帶崩

女

精血弱

男

惡寒消痺痛呻吟

**經**

微為氣血俱虛之候故主虛弱少氣泄瀉虛汗崩

漏敗血不止等症也○左寸微心虛憂惕營血不

足頭痛或病虛勞盜汗開微肺精氣乏四肢惡寒

拘急大微敗血不止男為傷精尿血女為血崩帶

下○寸微上焦寒痞冷痰不化中寒不足少氣

開微胃寒氣緩食不化脾虛意氣心腹冷痛尺微

難寒泄瀉  
膝下冷痛

緊陽

經論緊脉來往有力左右彈人手問素如轉索無常仲景數

如切繩經脉如綯筆線丹溪

發明時珍曰緊乃熱為寒束之脉故急

正誤原誤云寥寥入尺來崔氏言如線皆非緊

體象舉如轉索切如繩脉象因之得緊名總是寒邪

來作寇內為腹痛外身疼

相類見弦實二脉

主病

緊為諸痛主於寒喘嗽風痼吐冷痰浮緊表寒

須發越緊沉溫散自然安

諸緊為寒為痛人迎緊盛傷于寒氣口緊盛傷于食  
尺緊痛居其腹若中惡浮緊咳嗽沉緊皆主死症

分部

寸緊人迎氣口分當開心腹痛沉沉尺中有緊

為陰冷定是奔豚與疝疼

鑑釋

緊為邪風搏激伏于營衛間之候故為痛為寒  
浮緊為傷寒身痛沉緊為腹中有寒為風痼

○

左寸緊頭疼目眩舌強緊而沉心中氣逆冷痛關

緊心腹滿痛脇疼肋急緊而盛傷寒渾身痛緊而實

痼瘕瘕瘕尺緊腰脚膈下痛小便難○右寸緊鼻塞風

壅緊面沉滑肺實咳嗽關緊脾腹痛吐逆緊而盛

腹脹傷食尺

緊下焦築痛



參治活法

病人脉陰陽俱緊  
反汗出者亡陽也

緩 陰中陽

經論緩脉去來小駛于遲

經脉

一息四至

戴氏

如絲在經不

卷其軸應指和緩往來甚勻

張大素

如初春楊柳舞風

之象

楊玄操

如微風輕颭柳梢

滑伯仁

發明

緩為陽氣初微故脉來徐緩而司令在四季是脾胃之脉也陽寸陰尺上下同等浮大而實無

有偏勝者平脉也若非其時即為病脉緩而和勻不沉不浮不疾不徐不微不弱者即為胃氣也

體象

緩脉呵呵四至通柳梢裊裊颭輕風欲從脉裏

求神氣只在從容和緩中

相類

見遲脉

主病

緩脉營衰衛有餘或風或濕或脾虛上為項強

下痿痺分別浮沉大小區

〔正誤〕

脉訣云緩主脾熱口臭反胃齒痛夢鬼之病不關經旨時珍謂其出自杜撰與緩無干

分部

左

寸緩風邪項背拘

左

關為風眩

右

胃家虛尺

為濡泄或風閉腎弱蹢躅足力迂

浮緩為風

沉緩為濕

緩大風虛

緩細濕痺

緩瀄脾虛

緩弱氣虛

鑑釋

緩為氣血向衰之候故主風濕痺痛等症在上為項強在下為脾弱○心不足則左寸緩怔忡多忘

亦主頂背急痛。○關緩風虛眩暈。腹脇氣結。尺緩  
腎虛冷。小便數。女人月事多。○右寸緩。肺氣浮。言語  
短氣。關緩腎氣弱。若不沉不浮。從容和緩。乃脾家  
平脉也。尺緩下寒。胸弱。風氣閉滯。浮緩濕風泄瀉。  
沉緩小。腹感冷。

芤 陽中陰

經論芤脉浮大而爽按之中央空兩邊實。經脉中空外實。

狀如蔥蔥。

發明

芤。蔥蔥之名也。素問無芤名。○崔紫虛云。芤脉  
何以絕類蔥蔥。指下成窟。有邊無中。○戴同父

曰。營行脉中。脉以血為形。芤脉中空。脫血之象也。

正誤

芤脉浮沉三部脉。芤長病得之生。卒病得之死。  
故曰中空。非中候絕無。若沉為絕無。是無胃氣。

矣舊說以為旁實與芤蔥之義不合

脉訣云兩頭有中間無是脉斷截矣又言主淋瀝風入小腸之病與失血之候相反誤世不小按芤乃失血之脉非積瘀之脉也諸家以積血為診誤矣今正之

體象

芤形浮大更如葱根按易得中央空火犯陽經血上溢熱傷陰絡下流紅

相類主病

中空無力乃為芤浮大而遲虛脉呼芤更帶弦名曰革芤為亡血革虛寒

分經

寸芤失血病心忪關芤嘔血腸胃癰尺部見之多下血脫肛紅利漏崩中

鑑釋

此為失血之候。血脫則氣有餘，血不足則不能統氣於脈。按來虛大，中實若芤之狀也。○左寸芤主

心氣妄行，為吐衄，為血。開此空，為便血。氣痛，肝虛不能藏血，亦為吐血。○右寸芤，肺家病。為衄，為便血。女入月事為

腸癰，下膿血及嘔。不食，尺芤，大便血。

弦 陽中陰

經論弦脈端直以長，問如張弓弦。按之不移，綽綽如

按琴瑟弦。其狀若箏弦。原從中直過，挺然指下。其

發明。司今在春，是肝經之脈也。若原來直，似弦而

平實滑如循長竿者，病勢急如新張弓弦，青死。池氏曰：弦緊而數動，為太過，弦緊而細，為不及。太過則令人善怒，忽忽眩冒而癰疾；不及則令人胸脇引，背下則兩脇脹滿。

戴同父曰：弦而硬，其病重。

**正誤**

脉訣謂弦象時時帶數，又言脉緊狀牽繩而方，穀又謂弦即數也。數即弦也。有弦之處而無數之句，皆非弦脉不合經旨，今並正之。

**體象**

弦脉迢迢端直長，肝經木旺土應傷，怒氣滿胸

常欲叫翳矇，瞳子淚淋浪。

按醫學原始四元行推之，肝屬氣，脾屬土。若氣行盛，則土行受氣行之侵，發鬆而不堅，肝氣旺則脾土為肝氣壅塞而不舒，則飲食少而胃氣衰矣。此論得格致之旨，粗淺無學者宜深詳而無忽之。

**相類**

弦來端直似絲，弦緊則如繩。左右彈，緊言其力

弦言象，牢脉弦長沉伏間。

又見長脉

蔡西山曰陽搏陰為弦陰搏陽為緊陰陽相搏為動  
虛寒相搏為革陰陽分離為散陰陽不續為代  
按弦脈乃陰伏于內而陽搏于外故瘕瘕寒熱之症  
多弦而緊為陽藏于內陰搏于外故傷寒傷食痛症  
之脈多見緊也

主病

弦應東方肝膽經飲痰寒熱瘕纏身浮沉遲數

須分別大小單雙有重輕

分部

寸弦頭痛膈多痰寒熱瘕瘕察左關開右胃寒

心腹痛尺中陰疝脚拘攣

弦為肝盛之病 浮弦支飲外溢 沉弦懸飲內痛  
瘕瘕自弦 弦數多熱 弦遲多寒 弦大主虛  
弦細拘急 陽弦頭痛 陰弦腹痛 單弦飲瘕  
雙弦寒瘕 若不食者 肝旺土衰 必難治矣

**鑑釋**

弦為陰伏於陽肝旺脾傷之象或經絡間有寒所  
滯為痛為瘕為痺為拘急及寒熱血虛盜汗痼飲  
勞倦等症○開前為陽開後為陰陽弦則頭痛陰弦  
則腹痛○兩手脈弦為雙一手脈弦為單單弦則胸  
腹痠飲為瘕雙弦則陰寒痼積于內或脇急疼痛弦  
長為積○左寸弦頭疼心惕勞傷盜汗乏力○關弦  
脇肋痛痠瘕弦緊為痛痼為瘕血弦小寒瘕○尺弦  
小腹痛弦滑腰脚痛○右寸弦肺受寒咳嗽胸中有  
寒痰○關弦脾胃傷冷宿食不化心腹冷痛  
又為飲○尺弦臍下急痛不安下焦停水

**察治活法**

弦脈之診惟在推求有胃氣與無胃氣其弦而軟微  
帶和緩之象乃胃氣未乏是為可治若弦而勁細如  
循刀刃弦而強直如新張弓弦此乃弦而無胃氣也  
病雖新起亦難醫治是以虛勞之脈寸口多數大尺  
中弦細搏指者是為損脈雖扁鵲亦難醫



傷寒以尺寸俱弦爲少陽經病。少陽爲樞，爲陰陽交界。如弦而兼浮，兼細，爲少陽之本脈。弦而兼數，兼緩，是入府傳陰之脈象。若弦而兼沉，沉微弱，是入陰之脈也。

傷寒脈弦，細頭痛發熱者，屬少陽。此陽弦，頭痛也。病必見于太陽。陽脈清，陰脈弦，法當腹中急痛。此陰弦，腹痛。病必見于少腹。告少陽部分耳。少陰病欲吐不吐，始得之，手足寒，脈弦遲者，此胸中實。當吐之。若膈上有寒飲乾嘔者，不可吐。急溫之。如此又不當以兼沉兼清緊爲之陰也。而傷寒以弦遲爲胸中實者，詳證合脈治法，活潑不可固執也。蓋諸病之脈，屬邪盛而見弦者，十居二三。屬正虛而見弦者，十居六七。在傷寒表邪全盛之時，中才一部見弦，或兼遲兼清，便是夾陰寒之證。客邪雖盛，急宜溫散。而汗下之劑，咸非所宜。卽非時感冒，亦宜體此。至于素有多動氣，怔忡寒疝，脾氣種種宿病，而挾外感之邪，于浮緊數大之中，委曲尋之，而弦象必隱于內。多有表邪脈緊于緊脈之中，按之漸漸減小，總之，不甚鼓

持便當弦脉例治 於浮脉之中按之欲直滑脉之  
引滑脉之中按之切切皆陰邪內伏陽氣消沉不能  
調和百脉而頸弦直之狀良非客邪緊盛之兆如  
腹痛膨脹胃反胸痺癥瘕畜血中腸傷風霍亂滯下  
中氣鬱結寒熱痞滿種種皆有弦脉悉由中氣不足  
土衰木賊而致惟以弦多弦少以證胃氣之強弱弦  
貴弦虛以證邪氣之盛衰浮弦沉弦以證表裏之陰  
陽寸弦尺弦以證病氣之升沉無論所患何症兼  
見何脉但以和緩有神不乏胃氣皆為可治也

革陰

經論革脉弦而芤仲景如按鼓皮丹

發明時珍曰革即芤弦二脉相合故均主失血之義  
諸家脉書皆以為半脉故或有革無芤有芤無

革混淆不辨不知革浮半沉革  
虛半音形證皆異也宜審別之

按甲乙經曰：渾渾革革，至如湧泉，病進而危矣。笑綿綿，其去如弦絕者，死。謂脉來渾渾革革，變急如涌泉，出而不及也。叔和以爲溢脉，與此不同。

**體象主病**

革脉形如按鼓皮，芤弦相合，脉寒虛。女人

半產并崩漏，男子營虛或夢遺。

**相類**

見芤牢二脉。

**鑑釋**

革爲氣血虛寒之候。○仲景曰：弦則爲寒，芤則爲虛。虛寒相搏，其名曰革。男子亡血失精，女人半產

漏下。○脉經曰：三部脉革，長病得之生，卒病得之死。

牢 陰中陽

**經論**

牢脉似沉似伏，實大而長微弦。

經脉

**發明**

扁鵲曰：牢而長者肝也。○仲景曰：寒則牢堅，有

弦長牢之體也。

**正誤**

脉訣不言形伏，但云尋之則無，按之則有。云脉入皮膚，辨息難，又以牢為死脉，皆孟浪之語也。

**醫家相類**

弦長實大脉牢堅，牢位常居沉伏間，革脉

芤弦自浮起，革虛牢實要詳看。

**主症**

寒則牢堅裏有餘，腹心疼痛木乘脾，疝癰癥瘕

何愁也，失血陰虛却忌之。

**鑑釋**

牢為裏實表虛之象，故主寒實之候。如胸中氣促，木實乘脾為腹心疼痛，疝癰癥積等症。○扁鵲曰：

革為虛，牢為實，失血者脉宜沉細，反沉大而牢者死。虛病見實脉也。○宏翰曰：脉體實大弦長而沉伏，則

四診脉鑑

卷之六 牢

幸

裏實之病宜之故虛病

見半脈則死危必矣

**正誤** 脈訣云骨間疼痛氣居于表也  
氏以為腎傳于脾皆謬妄不經

濡脈

**論** 濡脈極爽而浮細如帛在水中輕手相得按之無

有經如水上浮漚

經脈

**發明** 李時珍脈學曰濡即爽也帛浮水中重手按之  
隨手而沒水上浮漚重按則無皆形濡脈之象  
也

**正誤** 脈訣言按之似有舉  
還無是微脈非濡也

**體象** 濡形浮細按須輕水面浮漚力不禁病後產中

猶有藥平人若見是無根

**相類**

浮而柔細知為濡沉細而柔作弱持微則浮微

如欲絕細來沉細近于微

浮細如綿曰濡 沉細如綿曰弱 浮而極細如絕曰微 沉而極細不顯曰細

**主病**

濡為亡血陰虛病髓海丹田暗已虧汗雨後來

蒸入骨血山崩倒濕侵脾

**分部**

左寸心濡陽微自汗生 右寸肺虛內熱憎寒侵

肝經力少脾胃弱腎憊腸虛泄脫精

**鑑釋**

濡為氣血俱虛之象故主少血無血衰損自汗下冷傷濕痺等症也○左寸濡心虛易驚盜汗短氣

關鬲管衛不和精神離散體虛少力  
 傷精女為脫血小便數自汗多病  
 寒氣乏體虛  
 尺濡下元冷憊腸虛泄瀉

弱陰

經論弱脉極夷而沉細按之乃得舉手無有

經脉

發明弱以濡是為久病病後老弱見之順平人少年

逆見之

正誤脉訣云輕手乃得黎氏譬如浮  
 謂皆是濡脉非弱也宜辨之

弱象弱來無力按之柔柔細而沉不見浮陽陷入陰

精血弱白頭猶可少年愁

相類

見沉脉

主病

弱脉陰虛陽氣衰惡寒發熱骨筋痠多驚多汗

精神減益氣調營急早醫

仲景曰陽陷入陰故惡寒發熱又曰弱主筋沉主骨陽浮陰弱血虛筋急

分部

左寸弱陽虛右肺氣衰左肝經筋痠右關胃虛

寒尺部冷疼兼便滑陰虛陽陷少年難

傷氏曰氣虛則脉弱寸弱

陽虛尺弱陰虛關弱胃虛

寸弱由精氣不足故脉來萎弱而不振也故主元氣

客風而腫心熱自汗關弱筋痠無力婦人主產後

尺弱小便數腎虛耳聾骨肉痠疼○右



寸弱身痛多寒胸中短氣關弱脾胃虛食不化尺弱下焦冷痛大便滑

散陰

經論散脉大而散有表無裏經脉渙散不收在子無統紀

無拘束至數不齊或來多去少或去多來少渙散不

收如楊花散慢之象柳氏

發明戴同父曰心脉浮大而散肺脉短清而散脾脉

飲脾脉與散脈腫病脉也脉與散諸病脉代散死脉也

難經曰散脉獨見則危

柳氏曰散為氣血俱虛根本脫離之脉產婦得之生孕婦得之墮

體象

散似楊花散漫飛去來無定至難齊產為生兆

胎為墮久病逢之不可醫

久病得散脈乃氣血  
脫散之象故主死

相類

散脈無拘散漫然濡來浮細水中綿浮而遲大

為虛脈芤脈中空有兩邊

主病分部

左寸怔忡右寸汗溢飲左關應稟散右關

稟散肝腫肘熱居兩尺魂應斷

鑑釋

散為氣血耗散藏府氣絕之候在病脈主虛陽不  
致又主心氣不足大抵非佳脈也若兩尺得散脈

乃精神衰憊魂將離而不救也○左寸散心脈衰  
而血少神不安而怔忡作○右寸散肺氣耗而應理

四診脈鑑

卷之末

重

不固故自汗。左關與散有溢飲在中。○右關與散  
脾氣虛而足部肝脾作腫兩尺與散精氣衰敗無後

細陰

經論細脉小於微而常有細直而更若絲線之應指脉

發明素問謂之小王啓玄言如莠蓬然其系細也

正誤原誤言此系極微是微反大乎細矣與經旨相背

體象細來累累細如絲應指沉沉無絕期春夏少年

俱不利秋冬老弱卻相宜

相類見微濡

主病細脉縈縈血氣衰諸虛勞損七情乖若非濕氣

侵腰腎卽是傷精汗洩來

脉經曰細爲血少氣衰有此症則順否則逆故吐衄得沉細者生憂勞過度者脉亦細

分部 寸細應知嘔吐頻入關腹脹胃虛形尺逢定是

丹田冷洩痢遺精號脫陰

鑑釋 細爲血冷氣虛不充之候乃元氣不足乏力無精內外俱虛冷痿弱洞泄爲憂勞過度爲傷濕爲積

爲痛在內及在下

伏陰

經論伏脉重按着骨指下裁動經脉行筋下刊誤

正誤 脉訣言尋之似有定息全無殊爲外謬

體象

伏脉推筋着骨尋指間裁動隱然深傷寒欲汗

陽將解厥逆臍疼證屬陰

相類

見沉脉

主病

伏爲霍亂吐頻頻腹痛多緣宿食停蓄飲老痰

成積聚散寒溫裏莫因循

發明

脉學曰傷寒一手脉伏曰單伏兩手脉伏曰雙

發越陽極似陰故脉伏必有汗而解正如久旱將雨六合陰晦雨後庶物皆甦之義又有夾陰傷寒先有伏陰在內外復感寒陰盛陽衰四肢厥逆六脉沉伏須投蓋附及灸關元脉乃復出也若太谿衝陽皆無脉者必死○劉元賓曰伏脉不可發汗

正誤

脉訣云徐徐發汗潔古以附子細辛麻黃湯主之皆非也

分部

食氣鬱胸雙寸伏欲吐不吐常兀兀當關心腹

痛沉沉關後疝癰還破腹

鑑釋

伏為陰陽潛伏關膈閉塞之候故主積聚疝瘕食壅霍亂水氣及諸痛之甚為營衛氣閉而厥逆關

前得之為陽伏關後得之為陰伏○左寸伏心氣不足神不守常沉憂抑鬱關伏血冷腰脚痛及脇下

有寒氣尺伏腎寒精虛疝瘕寒痛右寸伏胸中氣滯關伏中脘積塊作痛及胃中停滯尺伏臍

下冷痛下焦虛寒腹中痼冷

動陽

經論動乃數脉見于上下無頭尾如豆大厥厥動搖經脉

發明

仲景曰陰陽相搏名曰動陽動則汗出陰動則發熱形冷惡寒此三焦傷也

成無已曰陰陽相搏則虛者動故陽虛則陽動陰虛則陰動

屢安常曰開前三分為陽開後三分為陰開位半陰半陽故動隨虛見

正誤

往來不來三關沉沉皆含糊謬妄殊非動脈  
詹氏言其形鼓動如鈞如毛者尤謬也

體象

動脈搖搖數在關無頭無尾豆形團其原本是

陰陽搏虛者搖兮勝者安

主病

動脈專司痛與驚汗因陽動熱因陰或為洩痢

拘攣病男子亡精女子崩

經釋

仲景曰動則為痛為驚素問曰陰虛陽搏謂之崩又曰婦人少陰脈動甚者妊子也滑氏謂虛

勞體倦為崩漏為泄痢

促陽

經論

促脈來去數時一止復來脈如蹶之趣徐疾不常

氏黎

發明

數止為促緩止為結促結之止無常數

正誤

脈訣乃云并居寸口不言時止者其謬可知

體象

促脈數而時一止此為陽極欲亡陰三焦鬱火

炎炎盛進必無生退可生



相類

見代脉

主病

促脉惟將火病醫其因有五細推之時時喘咳皆痰積或發狂斑與毒疽

鑑釋

促主陽獨盛而陰不能相和之象或怒逆上亦令脉促故主氣憤狂悶及瘀血發怔等症○凡氣血留滯平其間則陽氣壅促是脉因而為之促非惡脉也雖然加則死退則生亦可畏也

結陰

經論

結脉往來緩時一止復來

經脉

發明

仲景謂繫繫如循長竿曰陰結藹藹如車蓋曰陽結○脉經言如麻子動搖旋引旋收聚散不

常者曰結主死此  
三脉名同實異也

正誤

脉訣云或來或去聚而却還之句與結脉無干宜辨之

體象

結脉緩而時一止獨陰偏盛欲亡陽浮為氣滯

沉為積汗下分明在主張

相類

見代脉

主病

結脉皆因氣血凝老痰結聚苦沉吟內生積聚

外癰疽疔瘕為殃病屬陰

越人曰結盛則積盛結微則積微浮結外有積痛沉結內有積聚

鑑釋

結為陰獨盛而陽不能相入之象為癥結為七情所鬱浮結為寒邪滯結沉結為積氣在內心氣

因證脈鑑

卷之六

五

血食飲痰五者蓋先以氣寒脈緩而五者之中或一有留滯于其間則陰氣結塞是脈因而爲之結也故仲景謂促結皆病脈也

代陰

經論代脈動而中止不能自還因而復動仲景脈至還入

尺良久方來吳氏

體象動而中止不能還復動因而作代看病者得之

猶可療平人若見壽相關

相類數而時止名爲促緩止須將結脈呼止不能回

方是代結生代死自殊途

脉學曰促結之止無常數或二動三動一止即來  
代脉之止有常數必依數而止脉至良久方來

主病

代脉藏衰危惡候腹疼洩利下元虧脾敗吐瀉

寒不食三月懷胎不必醫

發明

代主氣促脹滿喘急痰涎及洩痢脫精之候久  
病脉代者死○脉經曰代散者死主泄及便膿

血○内經曰代則氣衰○滑伯仁曰代主形容羸  
瘦口不能言若不因病而人羸瘦其脉代止真危  
亡之兆也若因病而氣血驟損以致元氣不續或  
風家痛家脉見代止只為病脉傷寒家亦有心忡  
而脉代者腹心痛亦有結清止代不均蓋凡病  
而脉見代者不可準也又妊娠脉代者其胎百日  
代之生死不可不辨

辨診

五十不止身無病數内有止皆知定

數内者即五十内之

數也。知定者可定。其藏氣之死期也。四十一止腎藏衰。三十一止肝氣

盡。二十一止脾敗竭。十動一止心脉絕。四五動止肺

經傷死期更參聲色證。○兩動一止三日死。三四動

止五六日。五六一止七八朝。次第推之自無失。

脉經曰：一動一止二日死，二動一止三日死，三動一

止四日死，四動一止六日死，五動一止七日死，六動

一止八日死，七動一止九日死，八動一止十日死，九動

一止十一日死，十動一止十二日死，十一動一止十三日死，

十二動一止十四日死，十三動一止十五日死，十四動一止

十六日死，十五動一止十七日死，十六動一止十八日死，

鑑釋

者，合天地大衍之數也。人之脉息盡，夜循環五藏，十動則循環五藏十次，遍則數皆均，至而不見止，脉者五藏皆平，故無病也。今不滿五十動而脉見止，是一藏無氣也。凡平人一呼脉兩動，一動肺，一動心，一

吸脉兩動一動肝一動腎呼吸之間一息脉五至者  
此一動是脾脉也心與肺在上為陽主氣呼出也故  
云呼出心與肺又云呼因陽出也肝與腎在下為陰  
主氣吸入也故云吸入腎與肝又云吸隨陰入也脾  
雖不主呼吸其位居心肺肝腎之中惟受穀氣故脉  
動在四藏呼吸兩界之間故平人脉一息五至也假  
如一呼一吸脉四動初動肺二動心三動脾四動肝  
而止良久却復來動者仍從肺來也是不至者腎也  
難經曰脉不滿五十動者一止腎藏先衰謂吸不能  
至腎至肝而還故知一載無氣腎氣先絕也○脉經  
曰不滿五十動一止者五歲死四十動而一止者一  
載無氣四歲死三十動而一止者二載無氣三歲死  
二十動而一止者三載無氣二歲死十動而一止者四  
載無氣歲中死○吳氏註曰腎氣絕期應四年而死  
三載動而見止者是知腎肝二經無氣期應三年而  
死二十動而止者腎肝脾三藏無氣期應二年而死  
十五動而一止者腎肝脾心四藏皆無氣期應一年  
而亡也○蓋同父曰脉經以四藏無氣歲中死其言

幾藏無氣以分別幾歲之死期予竊疑焉內經曰腎  
絕六日死肝絕八日死心絕一日死果此藏氣絕又  
安能待四歲三歲乎○宏翰曰夫戴氏引內經而正  
脉經之謬予會而詳思然悟得其機焉如其藏之氣  
衰尚未敗絕而見代者則死期之歲月從無證而斷  
之若其藏之氣敗絕而見代者則死期之月日從內  
經而斷之但內經原說其藏絕而脉經當作其藏衰  
弱也又脉經言二十三十動一止二藏三藏無氣亦  
局外謬豈有三藏四藏無氣能延過三四歲乎而吳  
氏不辨亦依釋而致誤也當以五十動一止者腎氣  
衰四十動一止者肝氣衰三十動一止者脾氣衰二  
十動一止者心氣衰十動一止者肺氣衰也然其中  
要分衰與敗以斷歲月之死期要謂安當也大抵五  
十動者脉之大要數必候五十動不可不及五十動  
而遠不候也或同候止從何處數起曰得止脈後即  
從至脉數起也但今庸醫惟賴口伎指到脉管不候  
五十動便云了然然脉既不明又不觀色審音何  
能起沉病乎後學宜詳四診而慎之毋忽焉

終

四診脉鑑大全卷之七

雲間浩然王宏翰著輯

王兆文

男 王兆武叅較

王兆成

關格二脉論

禁服篇曰寸口主中人迎主外兩者相應俱往俱來若引繩大小齊等春夏人迎微大秋冬寸口微大如是者名曰平人

此言寸口人迎之脉各有所主而合四時者爲無病寸口者在右手寸部脈太



淵穴去魚際一寸故曰寸口以其為脈氣之所會故  
又曰脈口又曰氣口寸口主中乃手足六陰經脈所  
見也人迎者在左手寸部蓋人迎乃足陽明胃經之  
穴名而其脈則見于左寸故以人迎稱之以胃謂六府  
之先也人迎主外故左關為東為春左寸為南為夏  
所以左寸為外凡足手六陽經之脈必見于此右寸  
為秋為西右關為中央為長夏其兩尺為北為冬所  
以右寸為內凡足手六陰經之脈必見于此然寸口  
之脈在內而出于外人迎之脈在外而入于內即如  
人迎一動為足少陽膽經寸口一動為足厥陰肝經  
則肝與膽相為表裏而一出入兩經本相應也故  
俱往俱來若引繩齊等而春夏之時則人迎比寸口  
之脈為微大秋冬之時則寸口比人迎之脈為微大  
乃為平和無病之人也蓋曰微大則是平和之脈耳  
餘經未及可以  
以類推見下文

人迎大一倍于寸口病在足少陽一倍而躁病在手少

陽入迎二倍病在足太陽二倍而躁病在手太陽入  
迎三倍病在足陽明三倍而躁病在手陽明盛則爲  
熱虛則爲寒緊則爲痛痺代則乍甚乍間盛則瀉之  
虛則補之緊痛則取之分肉代則取血絡且飲藥陷  
下則灸之不盛不虛以經取之名曰經刺人迎四倍  
者其大且數名曰溢陽溢陽爲外格死不治必審按  
其本末察其寒熱以驗其藏府之病六節經脈篇終  
時氣篇經脈等篇脈分氣口人迎至王叔和始分左右寸部  
以火熨兩旁分氣口人迎至王叔和始分左右寸部  
者未考諸篇故耳馬玄臺曰此言氣口人迎之脈而  
決其病在何經其至脈爲關格則死也言人迎較比

寸口之脈大一倍二倍三倍四倍者可以驗足手六  
陽經之病而有治之之法也人迎較寸口之脈大一  
倍則病在足少陽膽經若一倍而加之躁動乃手少  
陽三焦經有病也躁者一倍之中而有更躁之意下  
文二倍三倍四倍其躁可以意會較寸口之脈大二  
倍則病在足太陽膀胱經若二倍而躁乃手太陽小  
腸經有病也較寸口之脈大三倍則病在足陽明胃  
經若三倍而躁乃手陽明大腸經有病也其各陽經  
之病盛則為熱虛則為寒寒則為病痺代則病為乍  
其乍間即下文之乍痛乍止然所以治之者脈盛則  
分經以瀉之脈虛則分經以補之脈緊為痛痺則取  
其分經之瀉之脈代則取其血絡使之出血及  
飲食以調之脈陷下者則血結于中若有著血血寒  
故宜灸之若不盛不虛則止以木經取之如一盛瀉  
膽以補肝二盛瀉膀胱以補腎之類然則取之于膽  
而不取之肝取之膀胱而不取之腎之類也或用鍼  
或用灸或用藥正在本經而不求之他經故名曰經  
刺也夫治法固已如此夫人迎之脈大于寸口者甚

至四倍且大且數則陽脈偏盛是六陽此證格拒于外而在內六陰之脈而不得運之以出于外矣故謂之外格也其證當為死不治凡此者必宜審按其本末蓋先病為本後病為末及察其寒熱以驗其藏府之病何也

寸口大于人迎一倍病在足厥陰一倍而躁病在手心  
主寸口二倍病在足少陰二倍而躁病在手少陰寸  
口三倍病在足太陰三倍而躁病在手太陰盛則脹  
滿寒中食不化虛則熱中出糜少氣弱色變緊則痛  
痺代則乍痛乍止盛則瀉之虛則補之緊則先刺而  
後灸之代則取血絡而後調之陷下則徒灸之也

陷下者脉血絡于中。中有着血。血寒故宜灸之不盛  
不虛以經取之。名曰經刺。寸口四倍者。名曰內關內  
關者。且大且數。死不治。必審察其本末之寒溫以驗  
其藏府之病。言寸口之脉大于人迎。可以驗足手六  
迎之脉大一倍。則病在足厥陰肝經。若一倍而躁。乃  
手厥陰心包絡經有病也。此人迎之脉大二倍。則病  
在足少陰腎經。若二倍而躁。乃手少陰心經有病也。  
此人迎之脉大三倍。則病在足太陰脾經。若三倍而  
躁。乃手太陰肺經有病也。其各陰經之脉盛則為脹  
滿。其胃中必寒而食亦不化。虛則真陰不足。故熱中  
而所出之糜亦不化。且氣亦少。溺色亦必變也。脉緊  
則為痛痺。脉代則為乍痛乍止。然所以治之者。盛則  
分經以瀉之。虛則分經以補之。緊則取其血絡。使之出  
肉。在于何經。先刺而後灸之。代則取其血絡。使之出

血及藥以調之。脉陷下者，則但灸之而已。脉既陷下，則血結于中，中有者，血血結，故宜灸之。若不盛，不虛，則以本經取之，謂取陽經者，不取陰經，取陰經，即不取陽經也。或用藥，或用鍼，或用灸，正在本經而不求之他經者，名曰經刺也。夫治法固已如此，及夫寸口之脉，大于人迎者，甚至四倍，且大且數，則六陰經偏盛，名曰內關，謂六陰關閉于內，而在外六陽之脉，而不得運之以入于內矣。是謂之內關也。其證當為死，不可治。凡此者，必宜審按其本末，及察其寒熱，以驗其藏府之病可也。

馬玄臺曰：王冰註止引躁脉而不兼手足者，非按傷寒論云：寸口脉浮而大，浮為虛，大為實，在尺為關。在寸為格。關則不得小便，格則吐逆。跌陽脉伏而澹，伏則吐逆，水穀不化，澹則食不得入。名曰關格。夫內經諸

篇分明以左手人迎脉大自一盛以至四盛乃手足  
六陽經爲病其名曰格故春夏人迎微大者爲無病  
今仲景曰在寸爲格又曰格則吐逆是以格脉誤爲  
內經之膈證此事難知集李東垣宗之且曰氣口之  
脉大四倍于人迎則又同於難經三十七難之誤而  
不知內經諸篇之以人迎大于氣口者爲格脉也內  
經諸篇分明以右手氣口脉大自一盛以至四盛乃  
手足六陰經爲病其名曰關故秋冬氣口微大者爲  
無病今仲景曰在尺爲關又曰關則不得大小便是

以關脉誤爲內經之閉癰證。此事難知。集李東垣宗之。且曰。人迎之脉大四倍于氣口。則又同于難經三十七難之誤。而不知內經諸篇之以氣口大于人迎者。爲關脉也。朱丹溪纂要竟列關格爲病名。亦曰脉兩寸俱盛。四倍已上。是其病名之誤。同于仲景而脉以四倍已上爲說。則又欲正東垣之誤。而不得內經諸篇之精緒也。嗚呼痛哉。軒岐之旨乎。秦張王李朱諸賢。後世業醫者所宗。尚與內經渺然者如此。况能使後世下工。復知關格爲脉體而非病名也哉。又焉



能決關格脉之死生治關格脉之病證及治腸證閉  
癰證而無謬也哉噫天人多矣

按關格二脉載之靈素向無人究至明時馬玄臺註釋  
內經大闡發其旨辯論諸家以關格作病名之非干  
古以來一旦卓然明白真有功干軒岐豈淺鮮哉余  
是以另列關格二脉于各脉之後使顯然明焉庶後  
學有所適從也夫

覆溢二脉論

難經曰脉有太過有不及有陰陽相乘有覆有溢有關  
有格何謂也然關之前者陽之動也脉當九分而浮  
過曰太過減曰不及遂上魚際爲溢爲外關內格此  
陰乘之脉也關以後者陰之動也脉當見一寸而沉  
過曰太過減曰不及遂入尺爲覆爲內關外格此陽  
乘之脉也故曰覆溢是其真藏之脉人不病而死也  
脉入尺澤曰覆覆者上傾而下入也脉出寸口上魚際  
曰溢溢者下泛而上出也謂陰乘乎陽陽無所容

四言厚金  
上溢陽乘乎陰陰無所容而深覆也故覆溢之脉是  
陰陽不相濟所謂孤陽獨陰致脉上下相離是謂真  
藏之脉無胃氣以和之人雖不病而死矣

尺寸分別陰陽當相濟而不可偏勝一有偏勝則脉有  
太過不及覆溢關格見焉若陰氣太甚拒陽使陽氣  
不得相營于下故脉上出魚際名曰溢謂之外關內  
格是陰太過而陽不及也若陽氣太甚拒陰使陰氣  
不得相營于上故脉下入尺澤名曰覆謂之內關外  
格是陽太過而陰不及也

奇經八脉

經論督脉 尺寸中央三部俱浮直上直下

經脉 張潔古曰督者都也爲陽脉之都綱○內經曰督脉起于下極之脢並於脊裏上至風府入腦上顛循額至鼻柱極于上齒縫中斷交穴

主病 爲外感風寒之邪王叔和爲腰脊強痛不得俛仰

大人癲病小兒風癇○內經謂實則脊強反折虛則頭痛○寸關尺三部皆浮且直上直下者爲弦長之象故主外邪

經論

任脉

寸口脉緊細實長至關又曰寸口邊九

經脉

任者妊也爲陰脉之海也○內經謂任脉起于

中極之下循腹裏由關元上咽至承漿下斷交極目  
下承泣穴爲陰脉之都綱也

主病

男子內結七疝女子帶下瘕聚王叔和爲少腹

繞臍下引陰中痛又曰苦腹中有氣如指上搶心不  
得俛仰拘急又緊細實長者中寒而氣結也○寸口  
九九卽動脉也狀如豆粒厥厥動搖故主氣上冲心  
也

經論衝脉

尺寸中央俱牢直上直下

半脉以沉伏實大而長微弦

乃三部之脉皆沉有力直上直下弦實之象也

經脉

衝脉起於氣街

在少腹毛中兩旁各二寸

俠臍左右上行至

胸中而散爲十二經之根本故稱經脉之海亦稱血

海

主病

靈樞曰衝脉血盛則滲灌皮膚生毫毛女子數

脫血不榮其口唇故髭鬚不生宦者去其宗筋傷其

衝脉故鬚亦不生○越人曰衝脉爲病逆氣而裏急

○東垣曰凡逆氣上冲或兼裏急或作躁熱皆衝脉

逆也宜補中益氣湯加知藥○王叔和曰衝脉用事則十二經不復朝于寸口其人若恍惚狂癡○衝脉與督脉無異但督脉浮而衝脉沉耳

經脉 陽蹻脉

寸部左右彈

彈者緊脉之象

經脉 陽蹻脉起于足跟中上外踝循脇上肩夾口吻至目極於耳後風池穴

主病 越人曰陽蹻爲病陰緩而陽急○王叔和註曰常從外踝以上急內踝以上緩又曰寸口脉前部左右彈者陽蹻也苦腰背痛癰癩僵仆惡風偏枯痺痺

體強。○左右彈，卽緊脈之象。

經論陰踠脈 尺部左右彈。

經脈 陰踠脈起于足跟，上內踝，循陰上胸，至咽，極于

目內眥睛明穴。

主病 越人曰：陰踠爲病，陽緩而陰急，叔和註曰：當從內踝以上急，外踝以上緩。又曰：寸口脈後部左右彈者，陰踠也；苦癩癰寒熱、皮膚淫痺、少腹痛、裏急、腰及髀節下連陰痛，男子陰疝，女子漏下。○張潔古云：踠者，捷疾也。二踠之脈起于足，使人踠捷也。陽踠在肌



肉之上陽脉所行通貫六府主持諸表陰蹻在肌肉之下陰脉所行通貫五藏主持諸裏

經合帶脉 關脉左右彈

經脉 帶脉起于季脇周圍一周如束帶然

主病 越人曰帶之爲病腹滿腰溶溶如坐水中溶溶緩縱

之貌○明堂曰女人少腹痛裏急瘕瘕月事不調赤白

帶下○楊氏曰帶脉總束諸脉使不妄行如人束帶而前垂此脉若固卽無帶下通經之症矣

經論陰維脉

尺外斜上至寸

斜上者不由正位而上升向大指名曰尺外斜

小指名  
曰尺內

叔和曰寸口脉從少陽斜至厥陰是陰維脉也

經脉 陰維起于諸陰之交發于內踝上五寸循股入

小腹循脇上胸至頂前而終

主病 叔和曰動苦癰癰僵仆羊鳴又苦僵仆失音肌

肉痺癢應時自發汗出惡風身洗洗然也取陽白金

門僕叅又曰陰維脉沉大而實者主胸中痛脇下支

滿心痛脉如貫珠者男子兩脇下實腰中痛女子陰

中痛如有瘡狀

經論陽維脉

尺內斜上至寸

叔和曰寸口脉從少陰斜至太陽是陽維脉也

或言從右手手少陽三焦斜至上手厥陰心包之位為陰維從左手足少腎斜至寸上手太陽小腸之位為陽維也

經脉

陽維脉起于諸陽之會發于足外踝下一寸五

分循膝上髀厭抵少腹循頭入耳至本神而止

主病

叔和曰動苦肌肉痺癢皮膚癰下部不仁汗出

而寒又苦顛仆羊鳴手足相引甚者失音不能言宜取客主人○潔古云衛為陽主表陽維受邪為病在

表故苦寒熱營爲陰主裏陰維受邪爲病在裏故苦心痛陰陽相維則營衛和諧榮衛不諧則悵然失志不能自收持矣

人身有經脉絡脉直行曰經旁支曰絡經凡十二手之三陰三陽足之三陰三陽是也絡凡十五乃十二經各有一別絡而脾又有一大絡并任督二絡爲十五也共二十七氣相隨上下如泉之流不得休息陰脉營於五藏陽脉營於六府陰陽相貫如環無端其流溢之氣入于奇經轉相灌溉奇經凡八脉不拘制于

十二正經無表裏配合故謂之奇蓋正經猶溝渠奇經猶河澤正經之脉隆盛則溢于奇經故秦越人比之天雨溝渠溢滿溝渠河澤此靈素未發之旨也

陽維起于諸陽之會由外踝而上行于衛分○陰維起于諸陰之交由內踝而上行于營分爲一身之綱維也營衛俱陰陽相維也則知陽脉之維于頭目手足頭項肩背諸陽無一不到其脈不榮則不能維在頭目無維則眩在頭項肩背無維則僵在手足無維則仆矣則知陰脉之維于胸腹諸陰無一不到其脈不榮則不能維在胸腹筋失所維則動搖而刺痛矣是以陽維絡一身之陽陰維絡一身之陰也○陽蹻起于跟中循外踝上行于身之左右○陰蹻起

于跟中循內踝上行于身之左右。所以使機關之躋捷也。○督脉起于會陰循背而行于身之後爲陽脉之總督。故曰陽脉之海。○任脉起于會陰循腹而行身之前爲陰脉之承任。故曰陰脉之海。○衝脉起于會陰夾臍而行直衝于上爲諸脉之衝要。故曰十二經脉之海。○帶脉則橫圍于腰狀如束帶。所以總約諸脉者也。○是故陽維主一身之表陰維主一身之裏以乾坤言也。○陽躋主一身左右之陽陰躋主一身左右之陰以東西言也。○督脉主身後之陽。○任脉

主身前之陰以南北言也。○帶脉橫束諸脉以六合言也。○是故醫而知乎八脉則十二經十五絡之大旨無不得也。

四診脉鑑大全卷之七

終